

Powšitkowne WOZJEWJENJA

njedźelu, 9. oktobra 2016

Kermuška za serbskich młodostnych

Wšitcy katolscy serbscy młodostni su wutrobnje na kermušku Chróšćanskeje wosa-dneje młodžiny přeprošeni. Tuta budže pjatk, 21. winowca. Započatk je w 19.00 hodž. z Božej mšu w cyrkwi. Přizamknje so zabawa w Hórnikowym domje. Zastup wučinja štyri eura.

Kubłanski dzeń za 1. a 2. lětnik

Dekanatne dušepastyrstwo přeprošuje džěci 1. a 2. lětnika sobotu, 22. oktobra, wot 9 do 15 hodž. do Don Boskowego domu we Worklecach. Zajimcy njech so prošu hač do wutory, 18. oktobra, pod telefonowym čisło (03 57 96) 8 87 07 we Worklecach přizjewja. Za wudawki dnja zběra so wot kóždého wobdžělnika přinošk, kotryž wučinja štyri eura.

Kurs k přewodženju ćežkochorych a mrějacych

W Kamjencu zahaji so srjedu, 12. oktobra, přihotowanski kurs k čestnohamtskemu přewodženju ćežkochorych a mrějacych. Jón přewjedže ambulanta hospicna služba Charity w swojim Kamjenskim zetkawanskim centrumje, Dróha jednoty 2. Zakładny kurs wotměje so wot 12. oktobra do 9. nowembra, natwarjacy wot 8. měrcsa do 5. apryla. Dalše informacije zhonja zajimcy wot Bernwarda Kreutzkama w Domje Charity, Haydnowa čisło 8, w Kamjencu, telefonowe čisło (035 78) 37 43 12.

„Po rěči lubosće žiwy być“ – Serbske eksercicije

Za čim žedžimy drje w našim času bóle hač za dorozumjenjom a pokojom? A zdom zdawa so někotremužkuli ćežko, měř a pokoj nańc a so wujednać – hač we wulkej politice abo doma, hač na džěle abo w towaršnosći. Tež w cyrkwi nazhoniš druhdy, zo so bóle porno sebi abo samo přećiwnje hač zhromadnje džěla. Samo cyrkwinska wzajomnosć zda so čí druhdy, zo njeje přeco „jedneje wutroby a jedneje duše“, kaž rěka w Japoštołskich skutkach (Japsk 4,32). Z konfliktow, kotrež wobstajachu w přěnich wosadach, zamóžemy wuknyć. Serbske eksercicije, kotrež so z tutej tematiku zaběraja, wotměja so wot pjatka, 28. oktobra, we 18 hodž. do njedžele, 30. oktobra, po wobjedže w eksercicijnym Domje Wysoke duby w Drježdžanach. Dny rozpominanja a modlenja změja hesło „Po rěči lubosće žiwy być“. – Přizjewić měli so zajimcy pak w Chróšćicach na farje, telefonowe čisło (03 57 96) 8 04 00, pak w Haus HohenEichen, Dresdnerstr. 73, 01326 Dresden, telefonowe čisło (03 51) 2 61 64 10 abo z mailku na adresu info@haus-hoheneichen.de.

Pater Willi Lambert SJ

Partnerski kubłanski program

Katolska poradźowarnja za mandželstwa, swójby a powšitkowne prašenja poskičuje wot pjatka do soboty, 29. do 30. oktobra, w Drježdžanach rozmołwny trening za pory. Zajimcy měli so hač do pjatka, 14. oktobra, přizjewić, pak na adresu efl-beratung.dresden@bistum-dresden-meissen.de abo pod telefonowym čislom (0351) 8 04 44 30.